



Peersjberiech van 't Gruutsj en Hoeglöstig Prinsepaar 2019 van C.V. de Sjlaaibök-Amie.



Karnevalsvereining C.V. De Sjlaaibök maak gruutsj en mèt vol gemood bekind, tot op zaoterdag 26 jannewarie um 22.11 oor in 't 64ste besjtaonsjaor, ten aanzeen van 't nao vastenaovend verlangend Volk van Amie en umsjtreke, is oetgerope en geïnstalleerd tot

Gruutsj en Hoeg Hoeglöstig Prinsepaar 2019:

Prins Eugène I en Prinses Saskia

De nuije Gruutsje en Hoeg Hoeglöstigheid van C.V. de Sjlaaibök-Amie; Prins Eugène d'n Ierste en zien al eve Hoeglöstige Prinses Saskia zien in Amie - en daoboete - bekind es Eugène en Saskia Bruijnen. Zie woene aan de Westrand 142 in Amie.

Eugène verdeent de kós door te wèrke es Business Analyst bij Jindal Films. Zien prinses Saskia wèrrek in de Mekado in Beek bij Bakker Bart.

Oos Prinsepaar heit zich liere kinne met de karneval van '93 en zien sindsdien aan elkaar blieve plakke. In '97 zien ze getrówd en höbbe 2 prachtige dochters, Fleur van 17 en Maud van beijnao 5 jaor.

Hobbies heit oze Prins natuurlek ouch: heer organiseert same mèt wandelcomité Amie de wandeltochte oet naam vaan de Sjlaaibök, läöp mèt es leiding bij de kinderwandel4daagse, heer deit achter de sjerme nog get bij de Scouting (boe zie vreuger alletwie sjtaflid zien geweis) en vlak veur de keersj haolt heer same mèt get vrun van de scouting 't Vredeslich op in Eupe en bringk dat te voet naor Amie.

Zien prinses Saskia häöre hobbie is zinge. Dat deit zie bij Vocalgroup Mes Amie. Daoneve zingk zie ouch al 'n aontal jaor in 't CV koer en heit dus dit jaor ouch hunne eige sjlager mèt ingezoonge.

Daoneve zien zie mèt hun ganse gezin bij de Belsje sjötterij Sint Sebastiaan oet Dorne. Umdat Eugène dao dit jaor de vogel heit aafgesjote maoge zie zich ouch nog Keuning en Keuningin numme.

De Amiese carnaval geit beginne. 'ne Super sjieke tied boe zie gruutsj dróp zien Prinsepaar van Amie te maoge zien. Zie goon d'r 'n geweldig feeske van maake. Dat doen zie same met de Sjlaaibök. Mer bovenal doen zie dat same met uuch, same met 't vollek van Amie. Same goon ze zörge veur 'ne onvervalste Amiese vastelaovend!



**Ziene Hoegen en Gruutsje Hoeglöstigheid
Prins Eugène d'n Iersjte
zal 't Amiese Riek van Sjlaaibök en Sjlaaimette goon regere
oonder de volgende titelatuur:**

Prins Eugène d'n Iersjte

64ste Prins van CV de Sjlaaibök

Consulente van de scouting van Amby

Analista di affari beej Jindal Films

Organizatore van de jaorlekse wandeltochte van de Sjlaaibök

Keuning van sjöttereij St. Sebastiaan oet Belsj

Membro in pensione van oze Raod van Ellef

Bedreve motociclista van Amie nao Kirkraoy en terök

Traditioneel Participant van de jaorlekse Amiese Zittinge

Residente van de Prinseleke strade aan de Westrand

Besjermhier van 't jaorleks vredesvuur veur de parochie

